

BULETIN PESARA

Suara Persatuan Pesara Universiti Kebangsaan Malaysia

Bil. 6 JULAI 2016

No. Pendaftaran PPM 017-10-22092010

Salam hormat daripada kami AJK Persatuan Pesara UKM (2015-2017)

Sekiranya saudara/i masih ingat lagi, kami telah menyatakan bahawa satu cabaran besar yang perlu Persatuan Pesara UKM tangani ialah memastikan hubungan silaturahim antara Persatuan dan UKM berterusan. Cabaran ini adalah *real* dan tidak mudah ditangani. Ini kerana Persatuan terpaksa bergantung kepada unit-unit tertentu dalam UKM yang sendirinya sudah pun mempunyai tugas dan tanggungjawab yang banyak yang perlu dilaksanakan. Meskipun demikian, kami berusaha juga mencari unit-unit yang relevan dalam UKM untuk bekerjasama. Buat masa kini, hanya Muzium Warisan Akademik (MWA) sahaja yang sudi memberi peluang dan laluan kepada Persatuan kita untuk membuat sumbangan dengan menyertai projek dan program-programnya yang sedia ada. Alhamdulillah maklum balas daripada ahli-ahli Persatuan juga baik malah boleh dikatakan membanggakan. Ini ternyata apabila terdapat beberapa orang ahli Persatuan yang tampil ke hadapan untuk menyertai dan menjayakan projek MWA. Menyedari yang membina silaturahim dengan institusi di mana kita semua pernah berkhidmat itu penting, kami ingin mengambil kesempatan di sini untuk menyatakan bahawa saudara/i masih boleh memainkan peranan dalam proses pembangunan UKM. Oleh itu jangan segan beri idea kepada kami tentang cara-cara lain untuk mengeratkan hubungan antara Persatuan dan UKM. Jangan menyendiri. Sertailah majlis-majlis yang dianjurkan oleh institut, pejabat dan unit-unit pengajian di UKM dan yang *reach out* kepada Persatuan. Berilah kerjasama kepada mereka apabila saudara/i dihubungi oleh unit-unit berkenaan. Dengan berbuat demikian, saudara/i pasti dapat menjamin relevansi Persatuan kita, In sya Allah.

MESYUARAT AGUNG

Mesyuarat Agung Tahunan Persatuan Pesara UKM telah diadakan pada 23 Mac 2016 (Rabu) di Bilik Mesyuarat Senat, Aras 5, Bangunan Canselori UKM. Ia bermula pada jam 3 petang dan dirasmikan oleh Pengerusi Persatuan En. Baharuddin Ishak.

PERLUASAN PENGGUNAAN KAD PESARA UKM

UKM telah memperluaskan kemudahan perkhidmatan PTSL kepada pemegang KAD PESARA UKM bermula 1 Januari 2016. Untuk mendapat perkhidmatan ini pesara perlu berurusan di Pejabat Am Unit Perkhidmatan Pelanggan PTSL.

SESI BERCERITA

Setiausaha Persatuan Pesara dan beberapa orang ahli Jawatankuasa Persatuan telah mengadakan beberapa mesyuarat dengan Muzium Warisan Akademik untuk membincangkan cara yang terbaik untuk melaksanakan projek di atas. Hasil perbincangan pihak Muzium bersetuju akan menemu bual beberapa orang ahli

Sidang editor Buletin:

- ✓ *Sharifah Zaleha Syed Hassan (Dato' Dr) – Ketua*
- ✓ *Mansoor Hj. Ahmad*
- ✓ *Khalis Md Saleh*
- ✓ *Salmah Kasmani*

Persatuan tentang pengalaman mereka semasa bekerja di UKM. Temu bual itu dirakamkan dalam bentuk video.

JEMPUTAN DARIPADA UKM

Persatuan telah menerima beberapa undangan daripada UKM antaranya:

1. Pelancaran Sambutan 46 tahun UKM di Persada Canselori pada 20 Mei 2016 di Persada Canselori.
2. BICARA UKM pada 31 Mei 2016 di Persada Canselori.
3. Majlis Menghayati Nuzul Al-Quran Peringkat UKM 2016 dan Iftar Bersama Pelajar Antarabangsa pada 23 Jun 2016 bertempat di Masjid UKM.

YAYASAN PESARA MALAYSIA

Persatuan telah dijemput untuk menganggotai yayasan ini. Pendaftaran sedang dibuat.

PENDAFTARAN ORANG KURANG UPAYA (OKU)

Tahu kah anda antara kemudahan yang disediakan oleh Jabatan Kebajikan Masyarakat? Layari laman sesawang mereka www.jkm.gov.my. Antaranya ialah bagi Orang Kurang Upaya (OKU)

KATEGORI OKU

Terdapat 7 kategori OKU yang boleh dipertimbangkan bagi tujuan pendaftaran OKU oleh Jabatan Kebajikan Masyarakat seperti berikut :

1. Kurang Upaya Pendengaran

Tidak dapat mendengar dengan jelas di kedua-dua telinga tanpa menggunakan alat bantuan pendengaran atau tidak dapat mendengar langsung walaupun dengan menggunakan alat bantuan pendengaran.

2. Kurang Upaya Penglihatan

Tidak dapat melihat atau mengalami penglihatan terhad di kedua-dua belah mata walaupun dengan menggunakan alat bantu penglihatan seperti cermin mata atau kanta sentuh.

3. Kurang Upaya Pertuturan

Tidak boleh bertutur sehingga menyebabkan gangguan berkomunikasi dengan sempurna dan tidak boleh difahami oleh mereka yang berinteraksi dengannya. Keadaan ini adalah kekal atau tidak akan sembuh. Bagi kanak-kanak mestilah berdasarkan penilaian pada umur lima tahun ke atas. Sekiranya ada kemusykilan, Pakar Otorinolaringologi hendaklah dirujuk.

4. Kurang Upaya Fizikal

Ketidakupayaan anggota badan sama ada kehilangan atau tiada suatu anggota atau ketidakupayaan di mana-mana bahagian badan yang mengalami keadaan seperti hemiplegia, paraplegia, tetraplegia, kehilangan anggota, kelemahan otot-otot yang mengakibatkan mereka tidak dapat melakukan aktiviti asas seperti penjagaan diri, pergerakan dan pertukaran posisi tubuh badan. Keadaan ini boleh terjadi akibat daripada kecederaan (*trauma*) atau ketidakfungsian sistem saraf, kardiovaskular, respiratori, hematologi, imunologi, urologi, hepatobiliari, muskuloskeletal, ginekologi dan lain-lain.

5. Masalah Pembelajaran

Masalah kecerdasan otak yang tidak selaras dengan usia biologikal. Mereka yang tergolong dalam kategori ini adalah lewat perkembangan global, *Sindrom Down*, dan kurang upaya intelektual. Kategori ini juga merangkumi keadaan yang menjejaskan kemampuan pembelajaran individu seperti *Autisme (Autistic Spectrum Disorder)*, *Attention Deficit Hyperactivity Disorder (ADHD)* dan masalah pembelajaran spesifik seperti (*Dyslexia, Dyscalculia dan Dysgraphia*).

6. Kurang Upaya Mental

Keadaan penyakit mental yang teruk yang telah diberi rawatan atau telah diberi diagnosis selama sekurang-kurangnya dua tahun oleh Pakar Psikiatri. Akibat daripada penyakit yang dialami dan telah menjalani rawatan psikiatri, mereka masih tidak berupaya untuk berfungsi sama ada sebahagian atau sepenuhnya dalam hal berkaitan dirinya atau perhubungan dalam masyarakat.

7. Pelbagai (*Multiple Disabilities*)

Kurang Upaya Pelbagai (*Multiple Disabilities*)-mempunyai lebih daripada satu jenis ketidakupayaan dan secara umumnya tidak sesuai diklasifikasikan dalam kategori satu hingga enam.

Borang Pendaftaran

Borang Permohonan Pendaftaran Orang Kurang Upaya BPPOKU (Pindaan 1/2012). Permohonan boleh dibuat di mana-mana Pejabat Kebajikan Masyarakat Daerah/Jajahan/Bahagian. Menggunakan borang tersebut dan menyertakan dokumen sokongan seperti salinan sijil kelahiran/Kad Pengenal.

Syarat-syarat Pendaftaran

- a. Warganegara yang bermastautin di Malaysia
- b. Disahkan/diperakui oleh Pegawai Perubatan Hospital Kerajaan/Pakar Psikiatri atau Pakar/Perubatan Swasta.